

Pozitiwna bilanca Serbskeho sejma

Drježdźany (SN). Serbski sejm je přenje lěto skutkowanja „přenjeho swobodnje woleneho zastupnistwa Serbow“ pozitiwnje bilancował. Kaž w zdźělenje sejma rěka, su „žadanja parlamenta z wobstatkom loni wujednaneho koaliciiskeho zrěčenja sakskeho knježerstwa“. To nastupa mjez druhim „poskitk dialoga, rozšěrć samopostajenje serbskeho ludu, připóznać serbsčinu jako druhu cuzu rěč, zmóžnić kubłanje na maćernorěčnym niwowje a Serbow naležnje do strukturnej změny zapřijeć.“

Dale zapóslancy wčera w rumnosćach krajnje nowinarskeje konferency Sakskeho krajneho sejma podšmórnychu, zo „běchu rozmołwy z Domowinu hladajo na wuzwolenje člonow serbskeje rady wuspěšne“. Nimo toho je sejm zwjazkowe knježerstwo namołwjał, na runnje UNO „wujednanu normu zakładnych prawow narodnych mjeńšin ILO 169 hišće w aktualnej legislaturje ratifikować“. Mjeńšinowy sekretariat w Berlinje je tele žadanje wobkrućił. Sejmikar dr. Měrćin Krawc wuzběhny, zo je „kulturna a kubłanska awtonomija lěpša hač tuchwilne derje mjenjene cuzopostajenje“.